

ԿՈՄՍ ԼԵՒ ՏՈԼՍՏՈՅԻ ՍԿԶԻՆՔՆԵՐԸ

(«Աստուած գիտէ արդարն ու մեղաւորը» հայերէն թարգ. դրքովի առիթով):

ՅՈՎՀ. ՍԱՂԱԹԵԼԵԱՆՅԻ

Կոմս Լև Տոլստոյի վերջին ժամանակներում գրած վիպական գրւածներում գեղարւեստական տարրը երկրորդական տեղ է բռնում, ծառայելով նորա բարոյադիտական տենդենցիաներին, մի հանգամանք, որը անհրաժեշտ է աչքի առաջ ունենալ, նորա այդ տեսակի աշխատութիւնները քննական հալածքով անցնելիս, որովհետեւ այդ հանգամանքը, բացի իւր սեպական ուղղակի առաջնակարգ դերից, անխուսափելի կերպով ազդում է և ստեղծագործութեան չափերին, վերալ. երբ վէպը շեղւում է իւր իսկական դերից—արտաքերել իրական սովորական կեանքը տիպական երևութներով, գեղարւեստականը դուրս է գալիս արդէն իւր բնական օրէնքներից, և նորա առաջին չափերից, ալիքն լինել միայն արտապատկիւն իրական կեանքի, վերջինիս թէ բարձր և թէ ստոր տարրերի,— հեղինակը զոհելով ուրիշ նպատակի, փորձանքի է ենթարկում և իւր տաղանդը, որովհետեւ երբ նա, փոխանակ հետևելու իրականութեանը և բնութեանը, ուզում է վերջիններս ծառայեցնել իւր նպատակներին, նա արդէն վտանգի է ենթարկւում դուրս գալ ճշմարտութեան սահմաններից, Հասկանալի է որ այդ ուղղութեան վէպում դուրս բերած անձնաւորութիւնների վերալ չը պիտի նալել իբրև տիպերի, ալ իբր միջոց, հեղինակին տոգորող գաղափարի արտապատկութեան և նորա փիլիսոփայական սիստեմը պաշտպանելու և կեանք մտցնելու: Այսպիսի դէպքում գեղարւեստականի կոչումը լինում է ալն, որ ստեղծելիք անձնաւորութիւնները համաձայն լինեն բնական և հոգեբանական օրէնքներին, Այս կողմից կոմս Լև Տոլստոյի գեղարւեստական տաղանդը ալն աստիճան զօրեղ է, որ ամենալաջող կերպով է կատարում իւր երկրորդական դերը:

Կոմս Տոլստոյը իւր վէպերում չի դուրս գալիս և ուովորական տենդենցիալով, իբրև պաշտպան հասարակական այս կամ այն հոսանքի, իբրև մարտնչող՝ իրական շահերի սահմանում. և, ինչպէս ասացինք, նպատակ չունի անխտիր նկարագրել իրականութիւնը. նա աշխատում է որոշ փիլիսոփայական հարցերի տարածման համար, ձգտում է նոր շարաքերութիւն ստեղծելու ղէպի կեանքը: Այդ հանգամանքը կազմում է նորա աշխատութիւնների կենտրոնական տարրը. և վերջինս է որոշում այն մեծ տպաւորութիւնը, որ անում են այդ աշխատութիւնները ընթերցողների վերաջ, Հետևաբար այդ աշխատութիւնների արժէքը և դնահատութիւնը կախած է նրանց միջում արծարծող վարդապետութեան արժանաւորութիւններից, թէ որ աստիճանի նա կրթիչ, բարոյականացնող և միեւնոյն ժամանակ նեցուկ է լաւաջողիմութեան: Կոմս Լև Տոլստոյի թէօրիան կեանքի կամ որ աւելի լաւ է ասել, թէօրիաները, որոնք, ի գէպս է նկատել, մէկը միւսի հետեից ծագելով՝ հակասում են միմեանց, առաջին անգամից աչքի են ընկնում նորանով, որ դռքա ինքնուրույն չեն. բայց միեւնոյն ժամանակ դրանց, այդ թէօրիաները, չի կարելի վերաբերել ոչ մէկին մինչև այժմ եղածներից աչն ձևով, ինչպէս նրանց առաջարկում է է Կոմս Տոլստոյը: Նա վերցնում է այս կամ այն վարդապետութեան միայն մի կողմը և ըստ երևոյթին չնչին փոփոխութիւն անելով նորա մէջ, առաջարկում է իբրև անպալման սխտեմ:

Միւս կողմից, պէտք է ասած ամենանշանաւոր կողմից, որ աչքի են ընկնում նորա թէօրիաները, դա այն է, որ նոքա հիմնովին լեզաշրջում են նպատակը իրանց աղբիւրի—այն վարդապետութիւնների, որոնցից վերցած են և որոնց ըստ երևոյթին ջերմեւանդ պաշտպանն է Կոմս Տոլստոյը: Վերջին հանգամանքը աչքի առաջ ունենալով, պէտք է ասել, որ այդ վարդապետութիւնները աւելի վտանգաւոր կոմենտատոր քան Կոմս Տոլստոյը ևրբէք չեն ունեցած: Իբրև հետևող ներկայանալով քրիստոնէական վարդապետութեան, նա վերցնում է վերջինիցս այս կամ այն պրինցիպը և փոխում է նրան աչնպէս, որ նա կորցնում է իւր սկզբնական նպատակը և մարգարէի ձևով սկսում է քարոզել այդ գաղափարը: Վերոյիշեալ վարդապետութեան սխտեմից նա վերցնում է զլիսաւորապէս աչն սկզբունքը, որը ասում է «բարի արէք ձեր ատելիներին», և փոխում է այդ ուրիշ ֆորմուլայի, որը ըստ երևոյթին նման է առաջինին—«տար չարիքը, կամ մի հակառակիւ չարիքին (терпи зло, не прощаясь злѣ), բայց իսկապէս կազմում է միայն մի կողմը և այդ մի կողմը նա բարոյականութեան միալնակ նպատակ է զարձնում, որի հետևանքը երևակալել կարելի է այսպէս՝ մի կողմից չար հակման ենթակալ մարդիկ չարիք են գործում, իսկ միւս կողմից բարոյական մարդիկ գործունեալ չարիքի գէմ միայն աչն են անում, որ համբերութեամբ տանում են այդ չարիքը: Մինչդեռ Քրիստոսը՝ մերժելով չարիքին չարիքով պատասխանել,

պահանջում է բարիք անել չարիք անողին և միևնույն ժամանակ կուռել չարիքի հետ, աշխատելով նորա գոլութեան դէմ, բայց աճպիսի միջոցներով, որոնք ոչ ոքի չարիք չեն հասցնում. իսկ չարիքը ինքն ըստ ինքեան օգտաւէտ չը լինելով, ոչնչանալով, չի կարող մէկին վրաս բերել: Մինչդեռ Քրիստոսը ուրիշ դէպքերում աւելի որոշ և անձամբ օրինակ տալով, պահանջում է բողոքել չարիքի դէմ, մերկացնել նորա կատարողներին, պատուելով խաբեբայական քօղը նրանց երեսից, — պախարակել նրանց բոլորի առաջ, — աշխատել, համոզելով, բերել դէպի ուղիղ ճանապարհ, կոմս Տոլստոյի ստեղծած բարոյականութեան օրինակելի անձնաւորութիւնները իրանց կեանքում միայն այն են անում, որ լուռ լինելով դէպի մարդկային հասարակութիւնը ճշող չարիքը, չը դուրս գալով իբրև բողոքողներ և մաքառողներ, այդ չարիքը հասցնողներին դէմ, լուռութեամբ և համբերութեամբ տանում են իրանց անձին հասցրած չարիքը:

Իսկ քրիստոնէական վարդապետութեան ամենագլխաւոր հիմքը — «դնել անձը և ստացւածքը ուրիշների համար» կոմս Տոլստոյի աշխատութիւնների մէջ շատ քիչ է արծարծւում և կրկին այն ձևով է խոստովանում այդ սկզբունքը, որ վերջինս նույնպէս դատաւարտւում է անպտուղ մնալու: Չը պնդելով այս ամենանշանաւոր պատգամի մարդկանց համար պարտաւորեցուցիչ լինելու վերալ, նա զբաղւում է միայն այն հարցով — թէ այդ տեսակ ցանկութիւն ունեցողը ինչ ձևով պիտի օգնի իւր մերձաւորին և այդ վճռում է այն ձևով, որ այդ սկզբունքը կարող է իրագործելի լինել միայն իբրև բացառութիւն, նա վճռում է, որ մէկը իրաւունք ունի օգնել միւսին միայն իւր աշխատանքով. զրամով չի կարելի օգնել, որովհետեւ զրամ տալ մէկին, կը նշանակէ պարտաւորացնել միւսներին կատարելու այդ մարդու պահանջները. նա համեմատում է զրամը մուրհակի հետ (ЧТОЖЕ ДАМЪ ДѢЛАЕТ?):

Կոմս Տոլստոյի վերջին պրինցիպը սերտ կապւած է նորա այն թէօրիալի հետ, ուր վերաբերւում է հասարակութեան տնտեսական կազմակերպութեանը, որ նույնպէս ըսա երևութին նման է մի տիրապետող թէօրիալի, բայց իսկապէս այլ նպատակ և այլ հետեանք ունի: Նորա տնտեսական կազմակերպութեան իդէալը կազմում է մի այնպիսի դրութիւն, երբ իւրաքանչիւր մարդ իւր անմիջական աշխատանքով բաւարարութիւն է տալիս իւր բոլոր պահանջներին — մի դրութիւն, որը կարող է հնարաւոր լինել միայն այն ժամանակ, երբ քաղաքակրթութիւնը ոչ թէ միայն կանգ կ'առնի, այլ մարդիկ կը լծադրիմին մինչ նախնական կիսամշակութիւնի դրութիւնը: Եթէ ուշադրութեամբ նայենք, կը տեսնենք որ այս պրինցիպը ազաւազումն է այն քաղաքատնտեսական թէօրիալի, որը առարկայի արժեցողութիւնը չափելով միայն նորա վերալ գործ դրած աշխատանքի չափով, պահանջում է այն տեսակ տնտեսական կազմակերպութիւն, երբ իւրաքանչիւր մարդու երկամուտի աղբիւրը կը կազմէ միայն նորա աշխա-

աանքը: Ընդունելով այս թէօրիան, կոմս Տոլստոյը աւելացնում է նրան և մի պահանջ—որ մարդ, ապրելով իւր աշխատանքով, իւր կարիքներին անհրաժեշտ բոլոր նիւթերը անմիջապէս սեփական ձեռքով պատրաստէ—մի պահանջ, որ անհնարին է դարձնում բոլորովին մի որ և իցէ կազմակերպութիւն քաղաքակիրթ հասարակութեան ադ թէօրիալի հիման վերաբ, ուրեմն անիրագործելի է դարձնում նոյն թէօրիալի նպատակը (տես նոյն ЧТОЖЕ НАМЪ ДѢЛАТЬ?):

Այս տարօրինակ ինքնուրույնութիւնը շարունակւում է կոմս Տոլստոյի վարդապետութեան միւս սկզբունքներում, որոնց պատկը ադ կողմից կազմում է նորա ամենավերջին թէօրիան ամուսնութեան վերաբերմամբ, որը բոլորովին հակասում է նորա նախկին հալացքին նոյն առարկայի մասին. Սկսելով նրանից, որ նա կնոջ միայնակ կոչումը դնում էր մարդկային ցեղի անեցողութեան մէջ, զրկելով մարդկութեան ամբողջ կէսը զարգացման, լուսաւորելու և քաղաքացիական իրաւունքներից, նա, վերջ ի վերջոյ, ոչ թէ անեցողութիւնը, այլ նոյն իսկ ամուսնութիւնը մեղք է համարում բարոյականութեան դէմ (Брежнерова соната). կոմս Տոլստոյի թէ առաջին և թէ վերջին հալեացքը կնոջ մասին զուտ ինքնուրոյն չեն, ինքնուրոյնութիւնը կապւում է չափոնի փոփոխութեան մէջ, որը լեղաշրջում է նրանց նպատակը: Որ կնոջ առաջին կոչումն է մալր լինել, սերունդ տալ, ամենահին ճշմարտութիւն է, որ ընդունւում է ամենալն տեղ,—բայց ոչ միայնակ. կոմս Տոլստոյը դարձնում ի նորա միտքնակ կոչումը (իւր առաջնալ հալացքում): Ամենաանսպասելին նորա վերջին հալացքն է կնոջ մասին, որի մէջ ըստ երևոյթին աւետարանի պատգամն է պաշտպանում—չեթէ մէկը չար աչքով նայի կնոջ վերաբ, նա արդէն շնացաւ իւր սրտի մէջո. բայց ադ պատգամը նա արեւել է ուղղում, որ ոչնչանում է ոչ թէ միայն նորա նպատակը, այլ ամբողջ արն վարդապետութիւնը, որի մի մասն է կազմում նա: Ադ տեսակ հալեացք կնոջ և տղամարդու մասին նա տարածում է և երկու ամուսինների վերաբերմամբ. ուրիշ խօսքերով՝ նա պահանջում է մարդկային ցեղի դադարումը: 'Իտրանից լսույ (մարդկային ցեղի վերջանալուց լսույ) էլ ինչպէս կարող է գոյութիւն ունենալ բարոյականութիւնը և Աստըծոյ գաղափարը, լանուն որոնց խօսում է կոմս Տոլստոյը (Исповѣдь):

Պարագոկսներով կոմս Տոլստոյը կարողացաւ երբեմն երբեմն զբաղեցնել ադ ռուս հասարակութիւնը, բայց վտանգաւոր ճանապարհը անել փորձանքի մէջ ձգեց նորան, նորա վերջին թէօրիան նորա առանց էն էլ միմեանց հետ չը կապուող պրինցիպները ոչնչացրեց իսպառ, և նա մնաց մի դրութեան մէջ, որը խիստ ցաւալի պիտի համարել իւրաքանչիւր տաղանդաւոր և մտածող մարդու համար: Մի կողմից կոմս Տոլստոյը ընդունում է նախախնամութեան գաղափարը և առաքինութեան լազթանակը, միւս կողմից առաջարկում է դադարեցնել մարդկային ցեղի գոյութիւնը:

Մենք աշխատեցինք որքան կարելի է կարճ կերպով պարզել կոմս

Տոլստոյի վարդապետութեան տարրերը, նորա աշխատութիւնների նպատակը և միտքը հասկանալու համար, իսկ թէ ինչ պատճառներից և ինչպէս մի տաղանդաւոր և մտածող մարդու մէջ գոյացել են այդպիսի պարադոքսներ, դա ուրիշ հարց է, որին կարելի է պատասխանել, այդ հեղինակի անձնաւորութիւնը և բոլոր աշխատութիւնները ուսումնասիրելով: Պէտք է աւելացնել որ կոմս Տոլստոյը իւր բոլոր պրինցիպներին տալիս է թէօլոգիական կերպարանք, իսկ սանդղծագործութեանը միստիքական ուղղութիւն:

Այդ տեսակի աշխատութիւններից մէկն է և վերև քննադատ: Ազդեցող պատմութիւն է հետեւեալը:

Մի վրագիմիրցի ջահիլ վաճառական Աքսենով ազդանունով ճանապարհ է ընկնում դէպի Նիժնի-Նովոգորոդի տոնավաճառը: Ճանապարհին մի կապարանում նա գիշերում է մի ուրիշ վաճառականի հետ, որին այդ ժամանակամիջոցում մի աւաղակ ծածուկ սպանում է և իւր արիւնոտ դաշակը դնում է Աքսենովի պալուսակը: Վերջինիս խուզարկում են և, չը նախելով նորա հերքման, արիւնոտ դաշակի հիման վերալ ձեռք են ենթարկում և ուղարկում տաժանակիր աշխատանքի Սիբիր: Քսան ու վեց տարուց չետու նույն բանտը բերում են նոր բանտարկեալներին, որոնց մէջ գտնւում է վերոյիշեալ վաճառականի իսկական սպանողը: Մի օր Աքսենովը տեսնում է, որ այդ մարդասպանը—Մակարը—բանտի պատը փորում է փախչելու նպատակով: Աքսենովից ոճրագործը պահանջում է լռել տեսածի մասին, խոստանալով նրան ես ազատութիւն, հակառակ դէպքում սպառնում է սպանել նորան: Աքսենովը պատասխանում է, որ նա արդէն սպանել է իրան ալտեղը հասցնելով և սկսում է զսպել իւր հոգու վիշտը ու բարկութիւնը ազօթքով: Առհասարակ նա ղբաղւած էր աւետարան կարդալով և եկեղեցում երգելով: Նրբ բանտի վարչութիւնը պատը փորելը նկատում է ե այդ մասին հարց ու փորձ է անում բանտարկեալներին, վերջիններս բացասում են այդ իմանալը, որոնց թւում և Աքսենովը, որը պատասխանում է թէ Աստուծու հրամանով չի կարող պատ փորողին ցուց տալ: Մի գիշեր Աքսենովը տեսնում է թէ ինչպէս մարդասպան Մակարը եկել է իրան մօտեցել և նորա ոտների մօտ նստել: Աքսենովի հարցրին թէ ինչ է ուզում, Մակարը պատասխանում է, թէ Աքսենովի վարմունքը նորա մէջ ալպիսի խղճի տանջանք առաջ բերեց, որ տաժանագրի ձեռք աւելի թեթեւ է նորա համար, քան թէ Աքսենովի երեսին նախելը: Առաջարկում է չալտնել իրողութիւնը Աքսենովին ազատելու համար և, իրան չարագործ անւանելով, սկսում է ողբալ: Աքսենովը պատասխանում է, որ իրան դնալու տեղ չը կալ, կինը ու որդիքը իրան մոռացել են, ինքը նոյնպէս սկսում է լալ և ասում է. «Թող Աստուած ինքը ների քեզ, կարելի է ես քեզնից հարիւր անգամ աւելի վատ եմ: Նա ալ ևս տան կարօտը չէր քաշում, բանտից դուրս գալ չէր ուզում, ալ միայն իւր վերջին ժամի վերալ էր մտածում:

Մականը Աքսենովին ականջ չը դրեց, լալտեց, որ հանցաւորը ինքն է եղել: Երբ որ Աքսենովին չետ դառնալու հրամանը դուրս եկաւ, — նա արդէն մեռած էր:

Պէտք է աւելացնել, որ կոմս Տոլստոյ վէպը սկսում է միստիֆական նախազգուշացումով, Աքսենովի կնոջ երազով, որի մէջ նա տեսնում է ինչպէս իւր մարդը սպիտակել էր և առաջարկում է վերջինիս լետաձգել իւր գնալու օրը, բայց Աքսենովը չի լսում կնոջը, հակառակ բացատրութիւն տալով նորա երազին:

Ընթերցողը կը հարցնի—Բնչումն է կախնում ալստեղ Աստուծոյ դատաստանը, որովհետեւ սովորական ձևով մտածողը մի դատաստան չի կարող նկատել ալսպիսի դէպքում, երբ իսկապէս արդար մարդը մեռնում է բանտում: Ինչո՞ւ ալս ժամանակ, երբ նորա ազատութեան հրամանը դուրս է գալիս: Բայց ուրիշ կերպ է լուսաբանում դէպքը, երբ կոմս Տոլստոյի տեսակէտից նախքէ նորա վերալ: Ալստեղ կատարւում է բարոյականութեան լաղթութիւն, — մեղաւորը զղջում է. *ինչո՞ւ. որովհետեւ միւսը համբերութեամբ տանում է իրան նրանից հասցրած չարիքը.* — լետոյ չարիքից տանջւածը հաշտւում է իւր վիճակի հետ և չի ուզում դուրս գալ ալս տեսակ գրութիւնից: Ալստեղ մենք չենք կարող չը նկատել աւետարանական սկզբունքը — չը պատասխանել չարիքով չարիքին: Իսկ միւս կէտը — հաշտւել չարիքի հետ և չը փնտռել ուրիշ կոչում իւր կեանքին, ալս է դնել իւր անձը և ստացւածքը ուրիշների համար, ոչ ոք չի կարող կապել աւետարանի սկզբունքների հետ, որի իգէալն է ոչ թէ կենդանի թաղել բանտի մէջ, ալս ընդհակառակը աշխատել դուրս գալ նրանից և գնալ կուսիւ աշխարհը տանջող չարիքի դէմ: